



LIMU d.o.o. Gradačac
Ul. Hadžiefendijina br.2 – Gradačac
Tel: 061/609-281
info@limu.ba
www.limu.ba

IZVJEŠTAJ O TRANSPARENTNOSTI
REVIZORSKOG DRUŠTVA
LIMU d.o.o. Gradačac
za period 01.01. – 31.12.2025. godine

Gradačac, april 2026. godine

UVOD

U skladu sa članom 82. Zakona o računovodstvu i reviziji F BiH („Sl. novine F BiH“ br. 15/21 od 24.02.2021. godine) pravno lice LIMU d.o.o. Gradačac objavljuje Izvještaj o transparentnosti za 2025. godinu. Izvještaj je sačinjen na osnovu vjerodostojne računovodstvene evidencije i dokumentacije, te opštih akta.

Izvještaj o transparentnosti, pored zakonske obaveze, ima zadatak da korisnicima Izvještaja približi organizaciju i način rada revizorskog društva LIMU d.o.o. Gradačac.

Izvještaj je sačinjen tako da kroz pojedine segmente predstavi kompletnu sliku funkcionisanja revizorskog društva, njegovu strukturu, način realizacije planiranih zadataka, uspješnost i druge bitne informacije kroz sljedeće segmente:

1. Pravna forma i struktura vlasništva
2. Opis sistema interne kontrole kvaliteta
3. Eksterna kontrola kvaliteta
4. Revizije društava od javnog interesa
5. Izjava o nezavisnosti
6. Finansijske informacije
7. Primanja ovlaštenih revizora

1. PRAVNA FORMA I STRUKTURA VLASNIŠTVA

Revizorsko društvo LIMU d.o.o. Gradačac je registrovano Rješenjem Općinskog suda u Tuzli broj: 032-0-Reg-20-001205 godine. Sjedište društva je u Gradačcu, ulica Hadžiefendijna br. 2. Osnivač pravnog lica je Nahid Unkić, koji je ujedno i direktor od samog osnivanja privrednog društva.

Rješenjem Općinskog suda u Tuzli broj: 032-0-Reg-21-000995 od 13.07.2021. godine izvršeno je brisanje ostalih registrovanih djelatnosti, osim djelatnosti računovodstvene, knjigovodstvene i revizijske djelatnosti i poreznog savjetovanja.

LIMU d.o.o. Gradačac
Izveštaj o transparentnosti za 2025. godinu

Puni naziv pravnog lica:	LIMU društvo sa ograničenom odgovornošću Gradačac
Skraćeni naziv:	LIMU d.o.o. Gradačac
Sjedište pravnog lica:	Gradačac, ul. Hadžiefendijina br. 2
IDB:	4210423580002
PDV broj:	210423580002
Statistička djelatnost:	69.20 Računovodstvene, knjigovodstvene i revizijske djelatnosti; porezno savjetovanje
Osnivač pravnog lica:	Nahid Unkić, ovlaštenu revizor, ul. Hasana Durmiševića br. 3 – Gradačac
Osnivački kapital:	KM 1.000,00 sa udjelom od 100%
Lice ovlašteno za zastupanje:	Nahid Unkić – Gradačac
Broj uposlenih:	2 uposlenika i angažman direktora po menadžerskom ugovoru
Struktura uposlenih:	dva ovlaštena revizora/certificirana računovođe
Matični broj subjekta:	32-01-0152-20
Registracija u Ministarstvu finansija:	04-11-2-6-1943/21
Registracija u Revizorskoj komori:	100001400
Ovlaštenu revizori:	Lejla Unkić – licenca br. 3033624218 Bešlaga Moranjković – licenca br. 3090977228 Nahid Unkić - licenca br. 3030202265 (ugovor o angažmanu)

2. OPIS SISTEMA INTERNE KONTROLE KVALITETA

Sistem interne kontrole kvaliteta je uspostavljen kroz usvojene procedure i metodologiju kontrole kvaliteta i usvojenim Pravilnikom o reviziji finansijskih izvještaja. U skladu sa usvojenim i objavljenim Međunarodnim revizijskim standardima, Međunarodnim standardima kontrole kvaliteta, Kodeksom etike profesionalnih računovođa i revizora, uspostavili smo sistem kontrole kvaliteta tako da osiguramo razumno uvjerenje da partneri i uposlenici obavljaju poslove temeljito i maksimalno detaljno u skladu sa profesionalnim standardima, standardima struke i zakonskim propisima koji se primjenjuju u F BiH.

Sistem interne kontrole kvaliteta ogleda se kroz sljedeće principe:

- Upravljanje kvalitetom
- Ispunjavanje etičkih zahtjeva
- Prihvatanje i zadržavanje klijenta
- Upravljanje ljudskim resursima
- Obavljanje angažmana

Upravljanje kvalitetom

Uprava prihvata punu odgovornost da osigura kvalitet u obavljanju angažmana, nezavisnost, objektivnost i etičko ponašanje angažovanog osoblja. Redovno se provode aktivnosti na održavanju kvaliteta kroz razmjenu iskustava uz poštivanje svih važećih zakonskih propisa. Zaposlenici se upoznaju sa novim standardima i povezanim smjernicama koje služe kao pomoć u pružanju visoko kvalitetnih usluga našim klijentima.

U cilju sticanja povjerenja i jačanju integriteta, partneri i revizori potpisuju izjavu o tajnosti. Na taj način klijenti prihvataju i razumiju reviziju i revizijske procedure sa dozom respekta.

Ispunjavanje etičkih zahtjeva

Poslovanje svakog revizorskog društva je u direktnoj ovisnosti od profesionalnosti i integritetu uprave i svih zaposlenika. Svi zaposlenici su dužni da poštuju etičke standarde. Navedeni standardi zahtijevaju da naši uposlenici postupaju s integritetom, objektivnošću, kompetentno i s dužnom pažnjom, da poštuju povjerljivost i da se ponašaju profesionalno. Naši zaposlenici su potpisali Izjavu o tajnosti i povjerljivosti informacija stečenih pružanjem usluga kod naših klijenata.

Prihvatanje i zadržavanje klijenta

Društvo provodi postupak prihvatanja i zadržavanja klijenta, gdje je polazna tačka prikupljavanje dovoljno odgovarajućih informacija o klijentu prije donošenja odluke o zaključivanju ugovora o angažmanu i/ili nastavku saradnje.

Kada su u pitanju novi klijenti, vrši se prikupljanje informacija o klijentu od svih relevantnih izvora (javno dostupnih informacija, informacija kod nadležnih organa i sl.), gdje se prvenstveno razmatraju podaci o upravi, djelatnosti klijenta, finansijskim pokazateljima poslovanja, postojanje sudskih ili drugih sporova, izmirenje obaveza i sl.

Kada su u pitanju klijenti sa kojima ima već poslovnih angažmana, u cilju prikupljanja dovoljno informacija kako bi se nastavila saradnja, prikupljaju se informacije o poslovanju i novim poslovnim transakcijama, eventualnim promjenama i sl. i na taj način se osigurava osnova za donošenje odluke o nastavku saradnje.

Upravljanje ljudskim resursima

Kvalitet obavljenih revizijskih angažmana je ovisna o kvaliteti osoba koje zapošljavamo i angažujemo. Iz tog razloga smo opredijeljeni da maksimalno osposobimo u skladu sa standardima i zahtjevima profesije i tržišta kao i u skladu sa propisima zakonodavnih tijela. Svi uposlenici su usmjereni na usavršavanju svojih sposobnosti, razvoju svojih kompetencija i poštivanju etičkih načela.

Ovlašteni revizori kao i certificirani računovođa ispunjavaju normu specijalističke edukacije i profesionalne obuke organizovane od strane konsultanstskih firmi i Revizorske komore F BiH. Istovremeno, pretplatnici na stručne publikacije, kao i otvorenu mogućnost rješavanja specifičnih pitanja kroz komunikaciju sa konsultantskim firmama.

Vođa tima kontinuirano vrši nadzor nad ostalim angažiranim osobljem u svim fazama predrevizijskih aktivnosti i revizijskih procedura.

Obavljanje angažmana

Prije angažmana, ovlašteni revizor – vođa tima informiše članove tima o klijentu, cilju angažmana i pojedinačnim zadacima svakog člana tima. Svi članovi tima moraju razumjeti zadatke koje trebaju izvršiti. Naglašena je važnost timskog rada na način da članovi tima moraju raditi usaglašeno. U slučajevima kada se vođe tima – ovlašteni revizor ne slaže sa mišljenjem članova, postoji ustaljeni način rješavanja nejasnoća u samom revizorskom društvu kroz razmjenu informacija i saznanja i usaglašavanje neusaglašenih stavova.

Osim navedenog, sistem interne kontrole uspostavljen je na način da zadovolji pravila i standarde koje izdaje Revizorska komora F BiH, kao nadležno strukovno tijelo, poštujući Pravilnik o minimalnom sadržaju radne dokumentacije.

3. EKSTERNA KONTROLA KVALITETA

Društvo svake godine, do kraja marta dostavlja Revizorskoj komori F BiH popunjen godišnji izvještaj za prethodnu godinu. Ovo je indirektna kontrola poslovanja, načina rada, kontrole kvaliteta i ispunjavanja opštih i formalnih uslova poslovanja.

Godišnjim upitnikom su obuhvaćeni svi bitni segmenti rada revizorskog društva. Upitnikom se potvrđuje ispunjavanje osnovnih uslova za rad revizorskog društva, podaci o obavljenim revizijama, podaci o osiguranju od odgovornosti i sl.

4. POPIS SUBJEKATA OD JAVNOG INTERESA KOD KOJIH JE REVIZORSKO DRUŠTVO LIMU D.O.O. IZVRŠILO REVIZIJU U 2025. GODINI

Revizorsko društvo LIMU d.o.o. Gradačac u toku 2025. godine nije vršilo reviziju niti jednog društva od javnog interesa. Ukupno je urađeno 7 revizija finansijskih izvještaja tokom 2025. godine.

5. IZJAVA O NEZAVISNOSTI

Svi zaposleni u revizorskom društvu LIMU d.o.o. Gradačac prate regulatorne i stručne zahtjeve u vezi sa nezavisnošću. Kontinuirano se ispituju odredbe propisane Kodeksom profesionalne etike revizora i finansijskih radnika, odredbama Zakona o računovodstvu i reviziji F BiH i u skladu sa tim se ponašaju na tržištu u cilju izbjegavanja sukoba interesa koji bi mogli uticati na integritet, objektivnost i nezavisnost u pružanju revizijskih usluga.

6. FINANSIJSKE INFORMACIJE

Revizorsko društvo LIMU d.o.o. Gradačac upošljava dva ovlaštena revizora u stalnom radnom odnosu, i jednog ovlaštenog revizora po osnovu ugovora o angažmanu. Angažman ovlaštenih revizora u 2025. godini je bio umjerenog intenziteta. Društvo u 2025. godini je imalo ugovor o reviziji finansijskih izvještaja samo jednog velikog preduzeća.

U izvještajnom periodu 01.01. – 31.12.2025. godine su ostvareni prihodi iz ugovora s kupcima (poslovni prihodi) u ukupnom iznosu od KM 136.318,00, od čega:

- | | |
|---|--------------|
| - prihodi od revizijskih usluga | 45.500,00 KM |
| - prihodi od knjigovodstvenih i računovodstvenih usluga | 90.818,00 KM |

8. PRIMANJA OVLAŠTENIH REVIZORA

Primanja ovlaštenih revizora su definisana Ugovorom o radu i drugim aktima o pravima uposlenika. Pored redovnih plaća i naknada, vlasniku se isplaćuje dividenda u skladu sa zakonom propisanim uslovima i načinu isplate neto dobiti.

Direktor

Nahid Unkić

